

LEY CODIGO DI PROTECCION DEN PLENO PREPARACION PA SU IMPLEMENTACION

E Boletin informativo di Codice di Proteccion



Sector Enseñansa ta 'on board' cu Codice di Proteccion!

E trayecto di implementacion di Codice di Proteccion tumando luga den henter Enseñansa na Aruba

Prome encuentro a tuma lugar dia 24 september 2020 cu Departamento di Enseñansa y Departamento di Inspeccion di Enseñansa, cu e meta pa conhuntamente logra yega na tur e aliadonan importante den sector di Enseñansa. Dia 30 september 2020 tur directiva di scol na Aruba a ricibi un carta di invitacion pa e prome reunion oficial (dia 21 october 2020) relaciona cu e implementacion di e Codice di Proteccion. E topiconan cu lo elabora riba e dia aki ta:

1. Splicacion di e “Codigo di Proteccion.
2. Con ta atende y sostene henter e proceso di e implementacion.
3. Discuti y inventarisa e posibel e puntonan di atencion y/of e retonan.
4. Compromiso di cada directiva di scol pa implementa y ehecuta e Codice di Proteccion den e scolnan (teniendo na cuenta, cu e Codice di Proteccion (Meldcode art. 243 den buki 1) lo drenta na vigor den luna di november 2020.

E tarea principal p’e sector di enseñansa lo bira, un ahustacion di cada maneho existente riba e tematica aki. E ahustacion aki lo ta mas bien dirigi pa incorpora e 5 pasonan uniforme, cu ta describi den e ley di Codice di Proteccion di Aruba.

Den e proximo lunanan lo tuma lugá e nulmeting /swot-analyse, p'asina por delinea henter e proceso miho. Finalmente ta gradici tur partner y directiva di e scolnan na Aruba, pa brinda boso sosten y colaboracion pa hunto e scolnan tambe yega na un implementacion exitoso di e Código di Proteccion, cu lo bay tin un gran balor di proteccion y siguridad pa tur nos mucha-, hoben- y profesionalnan den henter sector di enseñansa na Aruba.

E rol importante di Bureau Sostenemi (AMK) dentro di e 5 pasonan

Código di Proteccion

Den paso 2 y paso 5 di e Código di Proteccion ta menciona e contacto cu lo tin cu Advies- en Meldpunt (AMK), cu ta ancra den nos ley awo como Bureau Sostenemi. Tambe na e otro pasonan como profesional bo por consulta cu AMK. Akibou bo por lesa kico bo por spera di AMK (Bureau Sostenemi), ora bo ta pasando den e pasonan.

Paso 1 Acumula e señalnan y pone nan riba papel

Bo por puntra AMK pa yuda pensa riba e manera con bo por pone riba papel mas señal, preocupacion y potencial positivo.

Paso 2 Consulta

Den paso 2 bo por consulta cu un colega experto. Ora di duda bo por tuma contacto tambe cu AMK pa consulta riba e evaluacionnan di e señalnan, e preocupacion- y potencialnan positivo. Kico ta bo preocupacion di mas grandi?

Paso 3 Papia cu e famia

Den paso 3 bo ta consulta e señalnan cu bo tin cu e mayornan y e mucha. Como preparacion pa e combersacion aki bo por tuma contacto cu AMK pa hunto repasa e puntonan di atencion pa e combersacion. Si bo ta haya necesario, un trahado di AMK tambe por ta presente na un combersacion asina. Tambe esaki ta posibel den e fase cu no a haci melding (aínda).

Paso 4 Evaluacion

Ora cu mester haci evaluacion di (in)siguridad, semper bo por haci pregunta na AMK pa hunto yega na e miho evaluacion. Si bo ta desea, un trahado di AMK por participa na un consulta di caso. Esaki tambe ta conta p'e fase cu no a haci melding (aínda).

Stap 5 Tuma decision

Den stap 5 bo ta tuma un decision: como profesional mi mes por brinda of organisa e ayudo, cu ta conduci na recupera e siguridad bek of mi tin cu haci un melding? Si den evaluacion resulta cu bo tin cu haci un melding, consulta prome telefonicamente cu AMK.

Si bo tin mas pregunta por tuma contacto cu: PaulBaeten.TenA@gmail.com



Integracion di Codigo di Proteccion y Signs Of Safety

Cada profesional na Aruba cu ta traha cu mucha y ora cu e tin sospecho di abuso di mucha, mester puntra su mes; con e mes por contribui pa stop e abuso di mucha, door di traha na e mucha su siguridad of door di organisa e ayudo necesario.

Codigo di Proteccion conhuntamente cu Signs of Safety ta yuda e profesionalnan cu ta traha cu mucha of cu den nan trabou ta encontra cu nan, pa crea siguridad door di pone e pasonan adecuado y corecto. Di e forma aki nos por cuminsa pone un paro na abuso di mucha. E Codigo di Proteccion ta identifica e señalnan di abuso di mucha y ta consulta e preocupacionnan cu e mayornan, e mucha y e netwerk. Tambe e profesionalnan mes ta identifica ki problema nan ta experiancia. E profesional ta traha hunto cu e mayornan y nan netwerk un plan di siguridad pa e mucha of ta organisa e ayudo.

Durante e ultimo 18 lunanan aki, hopi profesional a haya training di e metodo di Signs of Safety, cu ta dirigi riba busca solucion. E metodo aki tin como meta pa hunto cu e mayornan, e muchanan y nan netwerk crea un situacion di siguridad. E pasonan di Codigo ta enrikeci cu vision, actitud y herment di e forma di acercamento di Signs of Safety. P'esey e Codigo di Proteccion ta un codigo di proteccion dirigi riba siguridad di mucha. Bureau Sostenemi por duna conseho y si ta necesario, por yuda ora cu e profesional meld cerca nan.

E Codigo ta un plan paso pa paso bon cla delinea, unda Signs of Safety ta duna contenido con bo por hacie. E lidernan di proyecto hunto cu e profesionalnan den veld lo tin ronda di consulta tocante henter e contenido di Codigo y tambe kico ta nifica traha cu Codigo den nan trabou diario.



Lider di Proyecto sector social a tene presentacion diCodigo di Proteccion

Sector Social

Dia 9 di october lider di proyecto sector social a tene e presentacion di Codigo di Proteccion na e di dos grupo di e instancianan social, cu tabata consisti di stakeholders: SVGA, CEDEHM, FEPO, YMCA San Nicolas y YMCA Dakota.

Pues awor por bisa cu tur instancia social a haci e nulmeting, y a haya e presentacion di Codigo y actualmente lo cuminsa cu e siguiente paso pa e plan di implementacion di Codigo di Proteccion den cada instancia. E temanan cu a bin dilanti durante e encuentro aki tabata: motibo di Codigo, legislacion actual, definicion y sorto di abuso di mucha, wega, e 5 pasonan di Codigo, planificacion di implementacion, nulmeting y feedback.

Actualmente e lider di proyecto a start cu su bishita tambe na tur e distancianan social, pa haya un bista mas amplio den e procesonan interno di tur instancia. Di e forma aki por determina conhuntamente con lo por implementa e Codigo di Proteccion na un manera mas efectivo y factibel.



Un desaroyo sumamente positivo cu tambe ta tumando lugar den october ta, cu e lidernan / cabesantenan di e centronan di cuida di mucha na Aruba tin 3 dia di curso intensivo di Codigo di Proteccion y Signs of Safety. Un total di 66 centro a inscribi durante e 3 dianan aki y tin henter un programa adapta y dirigi netamente riba nan situacion diario den centro. Un di e hermentnan principal den aplica e Codigo di Proteccion (CdP) ta Signs of Safety (SofS).

Lo elabora riba con e dosnan aki ta funciona y tambe lo pone e relacion entre esakinan y con pa traha cu ambos den e centronan, ora tin sospecho di abuso di mucha. Alabes durante e dianan aki di training, lo duna conseho con pa reconoce e señalnan concreto di sospecho di abuso di mucha.

E trabounan relaciona cu e ‘nultesting’ di e diferente organisacionnan ta encontra reto cu e di dos brote di Covid-19.

Sector Salubridad

Hopi profesional mester tin tur nan atencion pa e situacion di Covid-19. Sinembargo e sector a logra di duna nan aporte na e finalisacion di e LB-ham, cu a trece cu ne un bista hopi mas amplio riba e puntonan di atencion den e proceso di implementacion di eCodigo di Proteccion. E reunionnan cu ‘stakeholders’ ta sigui den forma digital mediante Zoom. E reto entre e aspecto di ‘medisch geheim’ y e seguridad di mucha tin tur debido atencion. Otro aspecto importante ta e asina yama ‘handelingsverlegenheid’ di e profesionalnan. E aspecto aki ta sea desconoci pa e profesional of ta un topico, cu nunca tabata presta atencion debido na dje.



Cu e trayecto di implementacion di Codigo nos lo bay presta atencion na esaki y traha na yuda e profesionalnan bira mas consciente di e señalnan y kico mester haci cu esaki den practica. ‘Handelingsverlegenheid’ ta un tema cu no tin hopi literatura disponibel. Lo haci uzo di e articulonnan cu ta publica e tocante e topico aki y sigur e sector di Salubridad kier sa mas di esunnan den practica; pues con e profesionalnan na Aruba ta experencia esaki. Algun ehempel relaciona cu ‘handelingsverlegenheid’ ta: un comunidad chikito, miedo di represaya di un mayor contra e profesional, e cuida pa cu nos profesionalnan y nan forma di descarga y trata cu e peso cu un funcion ta trece cu ne den practica. P’esey hunto cu e oficina di Calidad den Salubridad, cu recientemente a keda institui, lo bay traha mas dirigi riba e topico aki.

Involvement of different sectors of Justice in LBHAM.

Sector Judicial

Un di e organisacionnan principal ta Cuerpo Policial di Aruba. E organo aki ta sumamente importante, pa traha cu Codigo, mirando cu nan ta topa hopi caso unda e menornan ta den situacion di peliger. Lo haci bon uzo di Slachtofferhulp, pa yuda trece ayudo y proteccion na e menor y e famia. Den e ultimo lunanan a cuminsa cu e 0-meting cerca Fundacion Guiami y Orthopedagogisch Centrum. Fundacion Guiami ya caba ta den recta final, pa caba cu su cuadro di evaluacion di e 5 pasonan di Codigo. Pronto Fundacion Guiami tin su Codigo completamente personalisa. Voogdijraad tambe ta kedando cla cu nan Codigo. Hopi bunita pa nota cu, durante e implementacion den departamento di alimentacion, tabatin hopi entusiasmo pa por cuminsa haci uzo di e Codigo.

A pesar cu e mayornan ta bay pa regla alimentacion, e trahadornan ta tuma nota di hopi problema y señal di abuso di mucha. Nan ta wak e Codigo como un bon herment pa por yuda e menornan. Den september tabatin intercambio di idea cu Hester Diderich, cu ta experto den Kindcheck y tambe ta implementando Meldcode den sector di Husticia na Hulanda. Hulanda tambe ta confronta cu diferente reto riba e aspectonan hudicial y organisatorio pa implementacion di Codigo. A invita directora di Reclassering, Seraida Pemberton, pa hunto cu Hester intercambia idea, evalua siña di otro y mehora. Veiligheidshuis, bou encargo di Bernice Schulte, lo bira un aliado di Codigo. Esaki kiermen cu a pesar cu Veiligheidshuis no ta atende directamente cu cliente, lo percura pa cada organisacion tene cuenta cu e 5 pasonan di Codigo, ora ta trata di un caso cu ta concerni un menor of ora ta señala abuso di mucha.

